



1
9
PB-1

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-79-6/22

Sarajevo, 06.01.2022. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), člana 9., a u vezi sa članom 1. Pravilnika o organiziranju i načinu rada Kriznog štaba Federalnog ministarstva zdravstva ("Službene novine Federacije BiH", broj: 10/12), a u vezi sa Odlukom Ustavnog suda Bosne i Hercegovine AP 3683/20 od dana 22.12.2020. godine ("Službene novine Federacije BiH", broj: 16/21), na prijedlog Kriznog štaba Ministarstva zdravstva Kantona Sarajevo Vlada Kantona Sarajevo, na **58.** sjednici održanoj **06.01.2022.** godine, donijela je

ZAKLJUČAK

1. Nalaže se zdravstvenim ustanovama Kantona Sarajevo da testiranje na Covid 19 strogo rade po indikacijama "Protokola za liječenje COVID 19", broj: 10-33-4633-1/21 od 15.09.2021. godine, Verzija 02 Kriznog štaba Ministarstva zdravstva Kantona Sarajevo.
2. Nalaže se obavezna vakcinacija trećom "booster" dozom protiv Covid 19 starijih osoba i njegovatelja u socijalnim ustanovama za zbrinjavanje starijih, populacije 60 + i osoba sa udruženim komorbiditetima.
3. Nalaže se obavezna vakcinacija protiv Covid 19 u svim zdravstvenim ustanovama Kantona Sarajevo zdravstvenog kadra koji dolazi u kontakt sa pacijentima, a za provođenje ove naredbe odgovoran je menadžment ustanove i Krizni štab ustanove.
4. Nalaže se menadžmentima zdravstvenih ustanova Kantona Sarajevo provođenje stroge kontrole propisivanja antibiotске terapije kod virusnih oboljenja, a zbog povećane incidence antimikrobne rezistencije kod bolesnika.
Za provođenje ove naredbe odgovoran je menadžment zdravstvene ustanove.
5. Preporučuje se svim zdravstvenim ustanovama Kantona Sarajevo da ne zahtjevaju PCR testove kod ambulantnih pregleda, izuzev riziko grupa: onkološki pacijenti, hemodijalizni pacijenti i imunosupresivni pacijenti.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



6. Preporučuje se uvođenje VPT potvrda u svim tržišnim centrima, skijalištima, kinima, ugostiteljskim objektima, kao i svim drugim zatvorenim prostorima kao mjestima masovnog okupljanja, te hotelima, hostelima i svim ostalim smještajnim kapacitetima u Kantonu Sarajevo.

Ukoliko posjetitelj/gost ne posjeduje jednu od VPT potvrda objekti mogu obezbijediti brzi antigen test koji posjeduje većina apoteka u Kantonu Sarajevo.


7. Nalaže se formiranje tima za komunikaciju, a radi boljeg, efikasnijeg i bržeg bolničkog smještaja Covid 19 oboljelih, a koje bi činili predstavnici Opće bolnice "Prim. dr. Abdulah Nakaš", Kliničkog centra Univerziteta u Sarajevu i Zavoda za hitnu medicinsku pomoć Kantona Sarajevo, te predstavnika ispred Ministarstva zdravstva Kantona Sarajevo koji bi bio rukovodilac ovog tima. Formiranje tima će se obaviti odmah po objavi ovih zaključaka. Predstavnik Ministarstva zdravstva Kantona Sarajevo kao rukovodilac tima, a u ime Vlade Kantona Sarajevo je mr. sci. dr. Meliha Čengić - Hadžović.
8. Nalaže se otvaranje opservacijskog prostora u Općoj bolnici "Prim. dr. Abdulah Nakaš" s obzirom da je menadžment Opće bolnice "Prim. dr. Abdulah Nakaš" u svom dopisu od 30.12.2021. godine Ministarstvu zdravstva Kantona Sarajevo najavilo početak PCR testiranja od 06.01.2022. godine.
9. Nalaže se Ministarstvu za odgoj i obrazovanje Kantona Sarajevo da do daljnjeg obustavi sve planirane ekskurzije učenika zbog novonastale epidemiološke situacije.
10. Kontrolu nad sprovođenjem mjera iz ovog zaključka vršit će Kantonalna uprava za inspeksijske poslove Kantona Sarajevo i Uprava policije Ministarstva unutrašnjih poslova Kantona Sarajevo, svako u okviru svojih nadležnosti.
11. Stupanjem na snagu ovog zaključka prestaje važenje naredbi i preporuka Kriznog štaba Ministarstva zdravstva Kantona Sarajevo, usvojenih Zaključkom Vlade Kantona Sarajevo broj: 02-04-31997-5/21 od 26.08.2021. godine, broj: 02-04-33737-3/21 od 09.09.2021. godine, broj: 02-04-34964-23/21 od 23.09.2021. godine, broj: 02-04-36903-5/21 od 07.10.2021. godine, broj: 02-04-38556-24/21 od 21.10.2021. godine, broj: 02-04-40041-21/21 od 04.11.2021. godine, broj: 02-04-41477-24/21 od 18.11.2021. godine, broj: 02-04-43454-25/21 od 02.12.2021. godine, broj: 02-04-44803-19/21 od 09.12.2021. godine, broj: 02-04-46069 od 16.12.2021. godine i broj: 02-04-47872-34/21 od 30.12.2021. godine, kao mjera na području Kantona Sarajevo u borbi protiv pandemije Covid 19.
12. Ovaj zaključak stupa na snagu danom donošenja, primjenjivat će se od 06.01.2022. godine, do 19.01.2022. godine i objavit će se u "Službenim novinama Kantona Sarajevo".

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



3. Premijer Kantona Sarajevo,
4. Ministarstva Kantona Sarajevo (12x),
5. Službe Kantona Sarajevo (8x),
6. Zavodi (5x),
7. Uprave (2x),
8. Fondovi (4x),
9. Krizni štab Ministarstva zdravstva Kantona Sarajevo (putem Ministarstva zdravstva Kantona Sarajevo),
10. Svim javnim ustanovama Kantona Sarajevo (5x) (putem Ministarstva za odgoj i obrazovanje Kantona Sarajevo, Ministarstva za visoko obrazovanje, nauku i mlade Kantona Sarajevo, Ministarstva zdravstva Kantona Sarajevo, Ministarstva za rad, socijalnu politiku, raseljena lica i izbjeglice Kantona Sarajevo i Ministarstva kulture i sporta Kantona Sarajevo),
11. Svim javnim preduzećima Kantona Sarajevo (4x) (putem Ministarstva saobraćaja Kantona Sarajevo, Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, Ministarstva pravde i uprave Kantona Sarajevo i Ministarstva privrede Kantona Sarajevo),
12. Uprava policije (putem Ministarstva unutrašnjih poslova Kantona Sarajevo),
13. Za objavu u "Službenim novinama Kantona Sarajevo",
14. Evidencija,
15. A r h i v a.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

